

中興禮書

中興禮書第二百十五卷

嘉禮四十三

迎奉安奉徽宗皇帝手誥題記

手誥德賜宗曉

紹興二十七年八月八日尚書左僕射同中書門下平章事沈該等言伏蒙聖慈宣示御製御書徽宗皇帝手誥題記臣等恭惟皇帝陛下受天明命底定萬邦中興之功光紹先烈聖慮深遠仰惟徽宗皇帝克舜之德宜有顯揚以詔天下萬世乃躬御翰墨形於紀述以章盛美聖人之考古無以加臣等拜手伏讀不勝惓惓下情欲乞召侍從兩省臺諫臣僚於尚書省宣示仍擬本付實錄院史館詔依勘會觀書儀注今割付太常寺日下修定申尚書省

太常寺書今併定儀注如左前賜今臨安府同儀鸞司于都堂上設案奉御書

予堂上其日供朝服進膳奉次候排班平儀振班定次  
半教詣廟下北向立定兩拜訖立身立班首升詣香案  
前捧笏上香教旁降階復位又兩拜訖次率執侍從  
兩省臺諫升攝案前宣讀訖次降階復位北向立兩拜  
訖進于堂裏  
湯茶畢以次進

十日尚書省劄子今月十四日宣示御製御書徽宗皇  
帝手詔題記合要禮直官四人捧匣前導

十一日禮部太常寺言八月九日尚書省劄子尚書左

僕射同中書省門下平章事沈該等劄子奏臣等伏蒙

聖慈宣示御製御書徽宗皇帝手詔題記一軸臣等欲

令有司擇日備禮安奉於數文閣以光昭聖孝發揚徽

宗皇帝堯舜盛德以貽訓萬世詔依今參酌具到合行

事件下項 一安奉日據太史局選定宜用八月十五

日戊申吉時宜用其日丙時吉合差冠擇官一員乞下

太史局差其宣示日乞於安奉前一日俟朝殿退赴尚書省幕次以俟宣示訖宰執守宿一十五日朝殿退使相待從兩省臺諫知閣禮官南班宗室騎導宰執騎從至敷文閣安奉乞令御史臺閣門太常寺集百官立班其日百司作休務服一日 一安奉日合用細杖二百人教坊均容直各一百人援衛親從官五十人輦官三十人並粧著儀注全乞所下屬差撥 一迎奉安奉合用儀注乞令御史臺閣門太常寺脩定關報 一奉迎合用綵結殿宇並宣示日及安奉日逐處合用幕次拜席褥等乞令儀鸞司同臨安府訂設排辦 一迎奉安奉日合用御封降真香乞從太常寺具合用數關報入內內侍省請降詔依

十三日龍圖天章寶文顯謨徽猷敷文閣奏准尚書省  
劄子敷文閣安奉御製御書徽宗皇帝手詔題記本閣  
官主管施行今有合行事件 一所有今來安奉御製  
御書徽宗皇帝手詔題記事干典禮欲乞於太常寺差  
禮直官一員赴閣供具 一本閣即未有捧遞宣祖皇  
帝以後仙源類譜等并徽宗皇帝御集吉日時刻就乞  
就用今來安奉日於安奉時前捧遞 一依御寶令本  
閣門禁并依宮殿門法所有今來安奉御製御書徽宗  
皇帝手詔題記一行官吏諸色祇應人等欲乞令太常  
寺移文逐處前期具的確核祇應人數職位名姓保明  
報本閣並權許令出入詔依

迎奉安奉手詔題記儀

其日儀衛儀仗教坊鈞容直樂人等排立定儀鸞司同臨安府於都堂上設置御製御書案并香案花瓶麻爐匙合等畢備俟朝殿退次禮直官捧御製御書藏皇帝手詔題記於都堂案上置定御史臺閣門太常寺分別應騎導官於都堂之下北向立班定次禮直官引宰直詣堂下北面立定禮直官贊躬拜班首拜在位官皆再拜訖引班首升詣香案前持笏三上香訖執笏降階復位立禮直官贊躬拜班首拜在位官再拜訖引宰執升堂上香案之東西向立北上餘官先退乘馬以俟騎導次輦官捧擎手詔題記儀衛儀仗樂人作樂前引進行宰執乘馬騎從入和寧門至北宮門合下馬處下馬執笏導從俟手詔題記將至敷文閣御史臺閣門太常寺

分引文武百官迎拜

如值兩降地進下

步導官至本閤門

外執笏少立俟腰輿入閤門導從官並權退歸幕次以

俟安奉次本閤官帥官屬捧擎手詔題記匣外問詣徽

宗皇帝御集之次權行案奉訖儀衛儀仗樂人作樂更

互排立俟安奉時將至本閤排辦香案等畢御史臺閤

門太常寺分引文武百官詣神御殿內外隨地立班定

次禮直官引宰執詣神御殿前北向立定禮直官贊躬

拜班首拜在位官皆再拜訖次分引百官等詣敷文閣

隨地立班定次禮直官引宰執詣敷文閣前北向立禮

直官贊躬拜班首拜在位官皆再拜訖禮直官引班首

詣閣下西向立定尅擇官報時及本閤官屬遷正手詔

題記安奉訖禮直官引班首退復位立禮直官贊躬拜

班首拜在位官皆再拜訖次禮直官引班首詣香前案  
指笏三上香訖執笏退復位立禮直官贊躬拜班首拜  
在位官皆再拜訖班退日或值兩降準從官免步導如至  
節地西具本閣  
內外隨宜立班

進呈安奉皇太后回鑾事宜

紹興二十六年十月五日尚書右僕射同中書門下平  
章事兼提舉定錄院詳定一司勅令萬俟卨言恭奉詔  
旨令寔錄院編修皇太后回鑾事宜本末今來編修將  
欲成書欲乞以皇太后回鑾事實為名修寫進呈如蒙  
聖慈允許即乞於今月中旬內擇日所有合行禮儀體  
例乞下有司參酌討論施行詔依  
九月閣門太常寺言已降指牌進呈安奉皇太后回鑾事



實所有合行禮儀事宜乞下有司參酌討論今參酌討論到合行事件下項 一依禮例合於進呈前二日差官奏告景靈宮其所差奏告等官乞從太常寺具員數申中書省差官及奏告合用青祠祝文香幣禮料等亦乞依自來體例報所屬排班 一依禮例合差禮儀使一員乞差宰官并合差都大主管一員差入內內侍省官充 一勘會今來進呈皇太后回鑾事實其後從騎導官內有合赴常朝立班官今欲乞依體例至日早一刻開和寧門並南北宮門 一勘會竊慮不測至日陰雨欲乞今後從騎導等官及諸色祇應人許施雨具其騎道合至下馬處下馬執笏步導若值陰雨或地下濕潤乞免導從徑詣幕次 一勘會迎前一日并至日合

用花靛麻爐香案并衣及不測值雨蓋複腰輿油帕雨傘並乞下臨安府計會主管諸司排辦詔依內進呈前一日於秘書省道山堂設帳權行安奉提舉官率實錄院官屬宿衛差細仗二百人援衛親從官數坊均容直樂人各一百人更互作樂排立至日往回迎奉修立儀注選定日時逐處訂設帳次合用綵結殿宇腰輿差撥擡擎輦官并依禮例宰執使相從臺諫知閤禮官南班宗室往回導從及排排騎導官等幕次什祗應人內有無勅號之人照驗入出并進呈訖作假並與昨進呈安奉徽宗皇帝御集一同

十一日禮部言入內侍侍省押班都大主管張見道劄子准差皇太后回鑾事實都大主管今欲乞以安奉

皇太后回鑾事實都大主管所為名應干合行事件差辦人物等伏乞朝廷行下有司討論禮例施行詔依本部尋下太常寺討論今來編修皇太后回鑾事實成書係大慶興禮全論欲令本所有參照比附昨進呈安奉中興聖統禮例施行詔依

十四日尚書省言勘會今月十八日進呈皇太后回鑾事實合行儀注並已得旨施行外欲至日進讀訖提舉官以書授都大主管官依議進呈皇太后於慈寧殿安奉所有內中合行儀注令都大主管官一面取旨施行其副本一班修寫藏之祕閣詔依

同日幹辦御藥院兼實錄院承受林華奉聖旨指揮閣門今月十八日寔錄院進呈皇太后回鑾事實令應奉

官并諸色祇應人等於今月十六日朝退就垂拱殿習儀

同日太常寺言勘會今來皇太后回鑾事實編修成書依已降指揮合於進呈前二日差官奏告景靈宮所有奏告官乞差執政官光祿卿等官乞差侍從臺諫兩省官充今具合差官下項并准實錄院報太史局選定進書宜用十月十八日丙戌吉其奏告官合於十月十五日赴景靈宮致齋至十六日行事畢退前殿聖祖天尊大帝聖像前行禮奏告官光祿卿奉禮郎太祝太官令各一員中殿諸帝神御前禮奏告官太祝各一員後殿元天大聖后聖像前行禮奏告官光祿卿奏禮郎太祝太祝太官令各一員後殿諸后神御前行禮奏告官太

祝各一員詔依

十七日尚書左僕射同中書門下平章事萬俟卨知樞  
密院事湯思退參知政事張綱同知樞密院事陳誠之  
之言臣等伏覩實錄院脩纂皇太后回鑾事實書成取  
今月十八日備禮進呈於慈寧殿安奉臣等恭遇聖朝  
盛事欲率百僚擇日詣文德殿拜表稱賀伏望聖慈特  
賜俞允取進止詔依

拜用十月二十一日拜表稱賀

進呈安奉皇太后回鑾事實儀

迎奉

前一日前期儀鸞司同臨安府於祕書省道山堂上當  
中南向設權安奉事實帳次又設騎導騎從等官幕次  
於祕書省之内外進呈前一日候朝殿退禮儀使并提

舉官實錄院官屬詣本院幕次俟儀衛儀仗等排立定引禮儀使并提舉官宿衛官屬詣幄前下立班定贊躬拜禮儀使拜在位官皆再拜訖退歸幕次宿衛儀衛儀仗教坊鈞容直等晝夜更互作樂排立迎奉進呈日其日五更迎奉前儀衛儀仗諸色祇應人排立定次御史臺閤門太常寺分引禮儀使提舉官宰執使相待從臺諫知閣禮官南班宗室立班定禮直官贊躬拜禮儀使拜在位官皆再拜訖次禮直官引禮儀使提舉官升詣事實幄前東西相向立次引應在位官退以次乘馬俟候實錄院率筆官捧擎事實腰輿進行騎導官分左右騎導教坊鈞容直作樂迎奉儀衛儀仗迎引從行次引禮儀使提舉官乘馬後從都大主管官提舉諸司并詣

司承受并諸司官往來照管以俟迎奉至和寧門如未  
開門事實權歸帷次儀衛等帷前排立其騎導騎從等  
官權退歸幕次俟開門事實入和寧門至皇城北宮門  
騎導官下馬執笏步導禮儀使提舉司騎從至合下馬  
處下馬執笏後從俟迎奉腰輿至垂拱殿門外實錄院  
率輦官捧擎事實腰輿詣垂拱殿門外帷次權安奉訖  
步導步從官權退歸幕次樂止儀衛儀仗樂人等並於  
帷前排立以俟進呈事實如閣門儀進呈御案與儀注一  
同內唯儀衛司不致香炷起問知閣門官前導皇帝詣  
事定案前儀衛司面東立奏請起問知閣門官前導  
前導復歸御座舍人揖禮儀使提舉司儀衛司儀衛  
立俟入內官進御車前禮儀使提舉司儀衛司儀衛  
近前立分修撰官轉授御前禮儀使提舉司儀衛司  
于案上取事定用轉授御前禮儀使提舉司儀衛司  
茂官指揭用修撰御車指上皇帝起詣御座前立提舉  
定錄院官揭揭用修撰御車指上皇帝起詣御座前立提舉

畢出而主事復生提舉吏部院官此事實用後授承  
 官能出而修撰官通東聖子禮儀使提舉官並歸殿上  
 心付立侯入內官微加車子禮儀使已下殿承人引  
 抹事寔用入內官奉匡下殿置子殿與上舍人引  
 祀儀使執次舉定銀院官當殿立定先引祀儀使出班  
 謝能歸位次引提舉定銀院官下殿宣諭跪兩拜身立  
 躬引歸殿下西面五次引修撰官已下一班告下謝兩  
 次引傳命謝恩各人承命修撰官以下一班次引主事  
 官承命官已下一班次引定銀院檢點文官已下一班  
 跪兩拜立訖降出奉騎導並如來儀至道山堂權安奉  
 訖次御史臺閤門太常寺分引禮儀使提舉官宰執使  
 相侍從臺諫知閤門官南班宗室請權安奉帷前北向  
 立班定禮直官贊躬拜禮儀使提舉官拜在位官皆再  
 拜訖退儀衛儀仗樂人等以次退其儀注已修定侯進  
 山室權安奉絳紅毡毡首至日進讀訖提舉官以書授都  
 大王管官進呈案太后於慈寧殿安奉又始候進呈訖  
 導從官白垂拱殿步導從生科  
 候候事完腰與入殿訖退



中興禮書第二百十六卷

嘉禮四十四

進呈安奉中興聖統

紹興二十年四月十九日守起居舍人兼玉牒所檢討官王暉等劄子本所恭依聖旨編修皇帝玉牒今先次恭脩到今上皇帝聖德欲乞以今上皇帝中興聖統為名依玉牒例擇日進呈詔依

二十三日玉牒所言本所恭依已降聖旨首進今上皇帝中興聖統係是御殿進呈所有儀範欲乞下閤門參酌修定仍候降下進書日分令閤門預期差人赴所指說所有進書往回儀衛欲乞下太常寺修定詔依

同日玉牒所言今具合申請事件下項 一今來繕寫

合用銷金羅紙金鍍銀梵板并收盛匣帕複等欲乞從  
本數所具數下文思院於已造下數內選擇應副使用  
今來進書合用吉日欲乞從本所報太史局選定 一  
提舉官并本所官前期擇日赴所觀書所有應合行事  
件欲乞從本所關報所屬 一今來係提舉官率本所  
官進呈欲乞至日量差點檢文字已下五人權借品服  
隨遞入殿祇應 一今來合用朱紅漆腰輿匣褥二副  
并行馬條索事件等欲乞令本所主管諸司督責文思  
院依倣已造玉牒匣伏大小尺寸如法製造所有撞擊  
輦官乞從本從據合用人数報御輦院于進呈前一日  
差撥赴所詔依

二十七日太常寺博士丁妻明言已降指揮旨進今上

皇帝中興聖統所有往回儀衛下太常寺修定本寺今  
契勘自來未有似此盛禮今參酌比附進呈玉牒禮例  
修定合用儀衛并合行事件下項 一今來所行典禮  
乞于進書前一日設幄推行安奉仍許提舉官率編修  
玉牒所官屬宿衛 一合用細仗二百人并援衛親從  
官一百人擡擎綵結殿子腰輿輦官注裝者儀教坊鈞容  
直各一百人作樂乞下所屬差撥前一日就本所更互  
排立并至日往回迎奉 一乞依在京進呈并奉安玉  
牒禮例進書日乞令宰執使相侍從臺諫禮官并南班  
宗室及玉牒所官往回騎導提舉官往回騎從本所提  
舉諸司官并承受官主管諸司官往來照管仍乞從御  
史臺閤門太常寺告報引拊祇應詔依

二十九日太常寺言今來迎奉進呈今上皇帝聖統參酌條具到合行禮儀事件下項 一至日往回迎奉騎導等儀注乞往御史臺問門太常寺同共修定申請一本寺今來應辦迎奉聖統文字其使臣禮直官合于內諸司計會排辦事務并日常供報文字今欲乞從本寺關報皇城司關借入宮門號八道詔依

五月一日玉牒所言今來首進今上皇帝中興聖統合用吉日今據太史局申選定宜用五月八日癸未吉詔依

同日太常寺言今參酌條具到合行禮儀事件下項 一今來迎奉進呈聖統乞經由和寧門入北宮門至垂拱殿門所有和寧門外并垂拱殿門外合用用權安奉

惟次並乞令玉牒所提舉諸司行下臨安府同儀鸞司相度釘設絃縛一竊慮不測陰雨欲乞今後從騎導管官及祇應人許施雨具一今來已降指揮俟常朝退御殿進呈其後從騎導官內有合趨常朝立班官今欲乞至日早一刻開和寧門并南北宮門詔依六日又言導從官至北宮門合下馬處下馬執笏步導如至時值雨或地濕潤欲乞並免導從徑詣垂拱殿幕次詔依

進呈安奉中興聖統儀

前一日其日玉牒所提舉官率編修玉牒官屬詣本所幕次俟儀衛等排立定次引提舉官并宿衛官詣帷前階下拜訖退歸次宿衛儀衛教坊鈞容直晝夜更互作

樂排立

迎奉

進呈日其日五更俟迎奉前儀衛諸色祇應人排立定次御史臺閣門太常寺分引宰執使相侍從臺諫禮官南班宗室立班定次禮直官引提舉官至位立定禮直官揖躬拜提舉官拜在位官皆再拜訖次引提舉官升詣聖統帷前西向立次引應在位官退已次乘馬俟玉牒所率輦官捧擎聖統腰輿進行騎導官左右騎導教坊鈎容直作樂迎奉儀衛從行次引提舉官乘馬後從提舉諸司官并諸司承受及諸司官往來照管俟迎奉聖統入和寧門至皇城北宮門騎導官下馬步導提舉官騎從至合下馬處下馬後從俟迎奉聖統至殿門外

玉牒所率輦官捧擎聖統詣殿門外帳次權安奉訖後  
從步導官權退歸幕次樂止儀衛細仗樂人等並于帳  
前排立俟垂拱殿有司排備畢行門禁衛諸班直親從  
等并內侍省執骨朶使臣排立如儀次閣門舍人二員  
自隔門東踏道引腰輿入殿于殿東階下禁衛西立定  
玉牒所點檢文字已下隨入殿面西立次入內官四員  
詣腰輿前捧聖統匣升殿置於御座東卓子上腰輿權  
出殿俟時各門報引宗正寺丞入殿次報引檢討官入  
殿次報引提舉官入殿檢討官在提舉官後一班重行  
面西立閣門附內侍省官進班齊牌皇帝出宮殿前指  
揮使鳴鞭排立行門禁衛諸班直親從等并內侍省執  
骨朶使臣並迎駕自奏萬福玉牒所點檢文字已下並

迎駕自贊常起居皇帝坐間門官并簿書官宣贊舍人

已下注樞密院諸房逐房副承旨閣門提點承受已下

諸司祇應官等并內侍省押班御帶已下並班奏聖

躬萬福訖次樞密副都承旨宣名奏萬福訖立祇應

次管軍一班宣名奏萬福訖次閣門引

提舉官檢討官一班重行宣名奏萬福訖並升殿于

御座東重行面西立次閣門引宗正寺丞常起居訖於

殿東階面西立次進卓子提舉諸司官啟封承受官取

聖統用轉納提舉官分檢討官過西面與提舉官同進

呈訖復授承受官次徹卓子檢討官却提舉檢討官降

階引提舉當殿立定告謝兩拜如有宣諭宣諭訖兩拜

次引檢討官已下一班告謝兩拜如傳旨謝恩臨時聽



旨如得旨宣坐賜茶合赴坐官賜茶如儀賜茶畢次舍  
人報閤門無公事皇帝起還內殿前指揮使鳴鞭腰輿  
却入殿至殿下入內省官却奉聖統直下殿於腰輿入  
上次舍人二員接引聖統腰輿出殿點檢文字已下後  
從出殿門教坊鈞容直作樂迎奉儀衛從行御史臺閤  
門太常寺分引宰執使相待從臺諫禮官南班宗室分  
左右步導至皇城北宮門乘馬騎導提舉官騎從提舉  
諸司官并諸司承受及諸司官往來照管至玉牒所騎  
導官下馬步導詣權安奉處側立俟玉牒所率輦官捧  
擎聖統入幄禮直官引提舉官升詣聖統幄前西向立  
俟權安奉訖御史臺閤門太常寺分引宰執使相待從  
臺諫禮官南班宗室立班定禮直官引提舉官降階至

位立定禮直官揖躬拜提舉官拜應在位官皆再拜訖  
退六日太常寺言進呈今上皇帝中興聖統今欲比附  
自來慶禮俟進呈畢擇日許宰臣率百僚拜表稱賀詔  
依

同日禮部太常寺言玉牒所申已降聖旨進呈今上皇  
帝中興重統於本所後蓋小殿子安奉今續相視得本  
所後雖有地步緣為與居民相接緩急風燭不便欲乞  
朝廷指揮下所屬別行討論安奉去處兼契勘留中一  
本亦乞一就討論安奉去處劄付太常寺同禮部日下  
討論申尚書省今討論安奉今上皇帝中興聖統去處  
欲乞于天興殿內聖祖天尊大帝之西令修內司同臨  
安府隨宜修建木殿子安奉所有留中一本欲乞於內

中龍圖閣安奉詔依天興殿安奉中興聖統用五月十四日丙時差官於至日時前奏告聖祖天尊大帝元天大聖后并祖宗諸帝后神御前一日禮儀使提舉官王牒所官扁宿衛至日宰執使相侍從臺諫知閣禮官南班宗室騎導提舉官禮儀使騎從集百官立班安奉十三日龍圖天章寶文顯謨徽猷數文閣奏今來進呈今上皇帝中興聖統其留中一本於內中龍圖閣安奉本閣契勘龍圖閣即目未曾修蓋除已逐急訂設幄殿權行安奉外其本閣建殿去處乞令太常寺同本閣相視地步修蓋詔依

六月十日權尚書戶部侍郎兼權知臨安府宋貺提舉修內司承受提轄馮孝宗狀今月八日面奉聖旨龍圖

閤安奉中興聖統所蓋殿令就本閤祖宗神御殿西舊承元殿內帳座安奉庶省工物

二十七年三月十八日尚書左僕射沈該等言本所昨進今上皇帝中興聖統於玉牒殿安奉緣當時未曾修建權於景靈宮天興殿安奉今來已修建玉牒殿了畢依已降指揮選定四月十七日進呈皇帝玉牒欲望朝廷特賜敕奏迎奉中興聖統於本殿同時安奉并於前二日一就奏告候進呈玉牒回提領官已下并合赴騎導官屬等及分差儀衛細仗樂人前去迎奉詔依二十八日玉牒所言今契勘聖統合於本殿西帳今上皇帝玉牒之右安奉所有至日天興殿捧遷時刻太史局選定用丙時即無相妨詔依

迎奉中興聖統於玉牒殿安奉儀

其日俟進呈玉牒類譜訖迎奉至玉牒所羣官捧擎玉

牒類譜入帳訖提領官宰執使相侍從臺諫兩省官知

閣禮官南班宗室及玉牒所官

內玉牒所官分即前上

徑赴景靈

宮幕次儀衛仗輦官於天興殿下排立

樂人于景靈宮櫺星門外排立

俟迎奉今上皇帝中興聖統時將至御史臺閣門太常

寺分引騎導官等詣天興殿下立班定禮直官引提領

官詣殿下北向立禮直揖躬拜提領官拜在位官皆再

拜訖直身立次移班稍西於殿西階下安奉聖統之殿

前北向立定禮直官揖躬拜提領官拜在位官皆再拜

訖次引知閣禮官升殿分東西相向立次引玉牒所官

屬升殿詣聖統殿前稍西東向重行立次禮直官引提

領官升殿詣聖統殿前西向立定俟剋擇官報時及玉牒所捧遷聖統降殿騎導官班退出景靈樞星門分左右乘馬以俟騎導次知閣禮官導引聖統降自西階訖出樞星門乘馬騎導俟聖統出景靈宮樞星門樂人作樂進行提舉官乘馬後從至玉牒所御史臺閣門太常寺分引文武百官迎奉如值西地下沾訖內騎導官下馬分左右執笏步導提舉官下馬執笏步從至玉牒帷前分東西向立俟輦官捧擎聖統升殿禮直官引提舉官詣帷前西向少立俟權安奉聖統訖騎導騎從官班退歸幕次俟時立班行安奉禮

安奉

其日俟安奉時將至排辦香燭畢文武百官詣玉牒殿

下北向立引提舉官詣帷前西向立尅擇官報時及玉牒所安奉玉牒聖統類譜訖提舉官復位北向再拜在位官皆再拜訖次提舉官詣香案前三上香訖復位再兩拜訖退

中興禮書第二百二十一卷

嘉禮四十九

車駕幸秘書省

紹興十四年七月一日秘書少監游操等言伏覩朝廷  
復建秘書省並右文殿秘閣國史院寔錄院日歷所並  
已了畢規模宏麗寔稱朝廷右文之意操等隸職其間  
不勝榮幸竊見麟臺故事宣和四年徽宗皇帝以新省  
成車駕臨幸操等欲依故事具表詣闕陳請伏望特賜  
敷奏詔依

八日禮部言秘書少監游操等上表恭請車駕幸秘書  
省奏聞事詔令禮部討論申尚書省尋下太常寺檢會  
咸平二年七月甲辰幸國子監謁先聖因覽壁畫三禮



圖移幸武臣成王廟後至國學命學官崔偓佺議尚書  
大禹謨賜偓佺緋賜祭酒邢昺已下銀綵府史廟幹給  
錢還幸崇文院閱郡書命從官縱覽登秘閣觀大宗聖  
製墨跡上惻愴久之賜秘書監楊徽之集賢院學士錢  
若水及館閣官點檢書籍劉承珪等器帛職掌緡錢五  
年七月庚午幸三館秘閣閱四庫書久之賜直官校理  
器帛有差又賜書史緡錢本寺尋牒秘書省曰牒至麟  
臺故事車駕將幸秘書省命提舉秘書省官選日以聞  
前一日宰相至省閱視提舉秘書省提舉三館秘閣官  
皆詣省閱視供帳文籍書畫古器等排比儲峙在省職  
事官皆省宿須明皇帝御祥曦殿宰執侍從以下起居  
導駕如常儀應在省官吏皆迎駕於馳道之東本省西

便門之外

是日特宣前班各車駕入御道山堂御帷須臾

右文殿班齊駕坐右文殿宰執侍從皆侍立有司奏官

姓名起居訖升殿立秘書少監已下在省官起居提舉

三館秘閣中貴人以手詔授秘書少監受訖與在省官

皆再拜駕詣秘閣宣群臣觀累朝御製書畫古器等皆

列置秘閣下正字以上皆侍立閣下退右文殿下上御右文

殿皆賜坐賜茶從官以上坐殿上秘書少監以兩下坐

兩廡用中墊大學用序中墊異恩也賜茶訖坐者皆起在省官再

拜庭下提舉三館秘閣及執閣門中貴人喝賜轉官等

恩例駕興改章服者皆受賜殿門外上再御提舉廳事

須臾宣召宰執從官及特宣召等宮觀御府書畫傳呼

置笏皆至笏趨至庭下詔毋拜唱不拜班首奏聖躬萬福

以次升上離御榻就大書案出祖宗御書及古書畫皆聚觀餘官不敢前者詔別設書案於前命提舉官或保如殿學士持以示之皆得縱觀宰執賜御書畫二軸十體書一用三公宰臣使相有別被賜者不在此數從官以下人賜御書二紙御畫一紙出墨篋分賜靈臺郎奏辰正將進膳宰臣等逡巡請退皆拜賜而出上進膳畢幸太學本寺今討論欲依國朝幸秘書省故事并將秘書省關到麟臺故事參酌到合行事件下項 一幸省前一日宰臣詣省閱視一選日乞從秘書省下太史局選日 一幸省日合降詔書乞下學士院修撰進入至日就本省給降秘書省官拜授 一日省儀乞從閣門中請 一觀祖宗御書古器并書案等乞從秘書省預

行排辦詔依

十一日秘書少監游操等上表臣操臣等言伏以儒宮  
肇建已隆欵聖之儀文館既成敢緩叩聞之請報溫誠  
悃冒瀆聰聞臣操等誠惶誠懼頓首頓首竊以漢帝中  
興詔石渠而講道唐宗致治即麗正以觀書於赫盛朝  
迥高前古太宗肇新於棟宇徽皇親屈於乘輿丕承詒  
謀之休允屬古文之亘恭惟皇帝陛下克文有煥舜德  
無加屬意嚮儒惟詩書之是玩屬精稽古皆韋布之所  
難爰咨藏室之居靡稱舊都之制肆頒明命趣百堵以  
經營用闡宏規極一時之翰奐直出蓬山之上恍如豐  
市之移親御寶附光生華榜翔鸞翥鳳雖騰萬目之瞻  
灑道清塵未整六飛之馭伏願乘時順預消日登臨發

揮億載之珍藏披覽累朝之睿訓俾斯文一振益知吾道之尊則率土同風豈獨書生之幸臣操等揆才庸瑣際運休明抱慚懷鈇久沐君師之造就雲望日不勝臣子之情臣操等無任瞻天望聖激切屏營之至詔依令學士院給降勅書

同日禮部言討論到車駕幸秘書省數選日乞從秘書省下太史局選日申請本省尋下太史局選到車駕幸秘書省宜用七月二十七日丙子吉即與國音別無妨礙詔依

二十二日閣門言今月二十七日車駕幸秘書省今修定儀注如後其日常御殿知閣門官以下并內侍知省御帶修注樞密院諸房逐房付承旨諸司祇應武功大

夫以下一班聞班立定分引宰臣使相樞密侍從兩制  
正任宗宗暹郡以上履笏相向立定閤門報齊班皇帝  
出殿下鳴鞭行門禁衛諸班親從侍內省執骨朶使臣  
並迎駕自贊常起居次知閤門官以下宣名常起居皇  
帝坐次宰臣以下聞班宣名常起居次管軍一班宣名  
常起居皇帝起鳴鞭乘輦將至秘書省官吏並寔錄院  
官吏迎駕起居訖皇帝至道山堂御幄降輦俟進食畢  
催班右文殿下先知閤門官以下并內侍知省御帶修  
注祇應官等面北定報引宰臣使相樞密侍從正任以  
上殿下相向立定并報舉秘書省官以下相向立定皇  
帝坐先知閤門官以下並內侍知省御帶等宣名奏萬  
福訖各歸侍立祇應位知閤門官殿上當頭奏宣到宰

臣奏檜以下次舍人分引宰臣以下宣名奏萬福訖知  
閣門官宣升殿再揖宰臣以下躬兩拜訖分引至殿下  
揖升殿侍立次提舉秘書省官以下宣名奏萬福訖且  
立定候御藥降階以手詔授提舉秘書省官跪授訖提  
舉秘書省官以下兩拜訖退皇帝起詣秘閣宣群臣觀  
累朝御書御製畫古器等秘書少監以下閣下侍立俟觀書訖先退  
赴右文殿立班定皇帝復坐右文殿上御藥傳旨宣坐  
賜茶如儀分引宰臣以下並合赴坐官面殿揖躬兩拜  
訖分升席後立定次分引秘書少監以下揖躬兩拜訖  
分升兩廊席後立俟賜茶訖降階逐班各兩拜訖退如  
上御藥傳旨或有推恩或改賜衣服官皇帝起歸幄衣  
引書殿謝恩兩拜訖退殿門外服所賜

臣僚繫鞋從駕還內如來儀詔依

二十三日閤門言聖旨已降指揮七月二十七日車駕幸秘書省令應奉官司於前二日並赴本處習儀二十八日作歇泊假一日

二十四日閤門言奉聖旨秦檜係寔錄院提舉官將來車駕幸秘書省特免赴後殿起居從駕令先往本處押本院官班迎駕起居訖赴右文殿等處立班賜茶畢俟回免謝茶酒令從駕還內二十七日車駕幸秘書省於道山堂降輦御右文殿頒手詔曰蓋聞周建內史掌玉皇五帝之書漢選諸儒定九流七畧之奏文德之盛後世推焉仰惟祖宗肇開冊府凡累朝名世之士由是以興而一代致治之原蓋出於此朕嘉與學士大夫共宏斯道乃一新史觀親御榜題肆從望幸之誠以示右文之



意嗚呼士習於空言而不為有用之學久矣爾其勉修  
術業蓋勵猷為一德一心以共赴亨嘉之會用丕承我  
祖宗之大訓顧不美歟提舉秘書省官跪投匭提舉秘  
書省官以下兩拜訖退皇帝讀秘書閣下宣群臣觀累朝  
御書御製晉唐書畫三代古器宣坐賜茶少監游操賜  
三品服宸翰扇子餘官筆墨館閣官各轉一官監修國  
史提舉寔錄院太師尚書左僕射秦檜依昨監學成書  
體例推恩令學士院檢舉降制又詔秘書省寔錄院人  
吏及諸廳供檢文字天文官三省樞密院供檢至諸色  
等人如有官人與減二年磨勘內未有名目人依國子  
監例賜錢六百貫文

二十九日太師尚書左僕射秦檜劄子奏仰惟國家以

文德定天下藝祖受命市不易肆太宗有定尊尚儒教  
真宗仁宗交鄰國之歡英宗神宗修治內之政哲宗徽  
考紹休聖緒罔不惟先志之承至於淵聖皇帝遭百六  
之會變起倉卒謀夫孔多害國凶家寔亂臣賊子之罪  
恭惟皇帝陛下首自潛邸念宗廟社稷之重奮不顧身  
出涖盟好建炎以來撥亂反正躬履艱難以集戰兵之  
福一祖七廟之盛德大業得所付託臣竊觀三代而下  
時君世主幸值休息則溺至聲色以侈縱欲陛下規模  
宏遠惟積精經術玩意道藝親書六經論語孟子左氏  
春秋傳司馬遷史記以風厲多士屈鑒輿歎謁先聖延  
見太學諸生前既許文武百僚拜表稱賀宣付史館今  
者鼎親秘書省涓日臨幸出御府祖宗書畫三代禮器等

數百品俾公卿泊省官咸得瞻仰聖躬拱立以示嚴奉  
既畢事詔省官而上俱預坐賜茶儒生榮耀喜歡踊躍  
臣竊聖帝明王之舉事非淺學諛聞所能測識要明示  
天下來世使畧知所由然庶或助成風化伏請援國子  
監體例拜表稱賀宣付史館詔依故事

車駕幸秘書省  
趙三日率臣率

百僚赴文德  
殿拜表稱賀

### 車駕幸秘書省儀

其日皇帝乘輦出鳴鞭降東階出後殿門至御厨南殿  
輦樂人念致語口號作樂進行出北宮門將至秘書省  
提舉國史院官並提舉國史院日曆所官秘書省國史  
院官臺官右文殿修撰等閣門舍人並迎駕常起居訖  
皇帝入秘書省門至右文殿上降輦鳴鞭歸幄俟右文

殿入內官唱排立行門禁衛等排立定

祕書省祕書人右文殿祕書人

等迎駕奏萬福執于柵閣臺下東壁橫南主對御賜酒食不入殿依舊在祕閣照管閣門報引知

閣門官並簿書官宣贊舍人以下並修注樞密院逐房

付承旨諸司祇應官

並執

御帶環衛官并幹辦皇城司

官

並穿衣執骨朵

一班閤班面殿立定閣門引祕書省國史院

官臺官右文殿修撰等閣門舍人

並執

殿下相向立次

執引宰執使相待從正任並管軍

並執

殿相向立定次

閣門提點報引皇太子

並執

赴殿下東壁面西立定閣門

奏班齊皇帝服靴袍出鳴靴鞭行門禁衛等並入內省

執骨朵使臣並迎駕自奏聖躬萬福皇帝坐舍人揖知

閣門官已下宣名奏萬福訖知閣門官修注并殿侍立

當祕書省各賜祕應位餘官並分出知閣門官殿上當頭躬奏宣列皇太

子以下舍人提點分引皇太子以下殿閣立班定宣

名奏萬福訖直身立知閣門官殿上當頭躬承旨訖臨

階東壁面西宣曰升殿再揖躬身兩拜訖直身立舍人

提點分引升殿相向侍立次引秘書省國史院官臺官

右文殿修撰等閣門舍人一班宣名奏萬福訖班退以

前立班閣皇帝起鳴鞭詣秘閣合人提點等分引皇太子

並管軍分內東西廊起前增上樞密院分東西相向

文殿修撰等閣門舍人近于秘閣行門于秘閣前增下分

東西下依舊排立知閣門官二員前導皇帝入

秘閣東壁觀累朝御書等次前導西壁觀看俟觀看訖

前導皇帝赴御座前少立前導知閣門官秘閣

前宣曰群臣官累朝御書等文殿修撰等閣門舍人依

立舊侍觀訖再拜謝簿書官二員並提點引皇太子宰臣

使相執政侍從正任并管軍入秘閣先東壁觀看訖引

於御座後過西壁觀看子內書用許皇太子俟觀看訖引皇

太子以下並退皇帝歸幄進早膳畢賜宴於右文殿日

皇帝首以太上皇帝所書琴賦宣示群臣右文殿對

御賜酒儀其日諸司排當備古文殿入內官唱排立行

門禁衛等排立定簿書官宣贊舍人以下樞密院諸房

逐房付承旨諸司祇應官正公服御帶環衛官皇城司

官並窄衣一班開班面殿立定閣門報引宰執使相待

從管軍知閣閣并正任秘書監起居舍人秘書省官國

史院官臺官閣門舍人并公服殿下相向立次提

點官引皇太子公服殿下東壁面西立定閣門奏班齊

皇帝出鳴鞭行門禁衛等并入內省執骨朶使臣并迎

駕自奏聖躬萬福皇帝坐先簿書官宣贊舍人以下樞

密院諸房逐房付承旨詣司祇應官御帶環衛官皇城

司官一班奏聖躬萬福

各歸侍立祇應位

舍人提點等分引皇

太子以下與赴坐官一班依坐次橫行宣名奏聖躬萬

福贊各就坐贊拜兩拜訖贊就坐皇太子以下殿赴坐

官分引升殿席後立秘書省國史院官臺官閤門舍人

赴兩廊席後立次樂人自奏聖躬萬福次看蓋人稍前

謝上殿兩拜次進御茶狀殿侍酌酒訖贊就坐皇太子

以下并兩廊并就坐進第一盞酒籍書官宣贊舍人等

並躬身揖贊進酒皇太子已下并兩廊並起立席後看

蓋人唱送御酒皇帝聽樂飲酒贊就坐皇太子已下并

兩廊就坐次行皇太子宰執使相酒次行執政官已下

并兩廊酒

遞次行酒並如上一盤

酒三盞畢內侍唱

賜酒食簿書官宣贊舍人已下御帶環衛官等皇城司  
官樞密院諸房遂房副承旨諸司祇應官內侍贊拜兩  
拜謝訖各歸侍立祇應位進第四盞酒簿書官宣贊舍  
人等並躬身揖贊進酒皇太子已下兩廊並起立席後  
看盞人唱送御酒皇帝聽樂飲酒以盞宣視先東壁次  
西壁各隨所向臣僚躬身應喏訖直身立次贊就坐皇  
太子以下并兩廊並就坐次行皇太子宰臣使相酒傳  
旨宣觀宰執盞起離位內侍簿書官宣贊舍人等稱傳  
宣吃盞酒皇太子宰臣使相躬身飲酒吃傳旨不拜宣  
贊舍人等承旨揖皇太子宰臣使相躬身贊不拜贊就



坐皇太子宰臣使相並就坐次行執政官以下並兩廊

酒亦傳旨宣勸並執蓋起離位內侍宣贊舍人等稱贊

傳旨吃盞酒兩廊內侍宣贊執政以下並兩廊並躬身

飲酒訖宣贊舍人等贊拜兩拜訖就坐宣勸御帶環衛

訖起營殿西拜次進第五盞酒不宣視蓋次行皇太

子宰臣使相酒次行執官已下並兩廊酒勸並如上儀

酒食畢作樂訖舉御茶抹皇太子以下起降階并兩廊

赴坐官當殿兩拜訖分出次樂人謝祇應兩拜訖皇帝

起鳴鞭歸帳還內從駕臣僚免奏萬福

淳熙五年九月二日閤門狀今月一日准內侍黃鑄傳

宣閤門今月十二日車駕幸秘書省進早膳應從駕臣

僚逐幕次賜食俟進早膳畢宣臣僚賜茶退從駕還內

應有令行排辦事件疾速施行如值雨應從駕臣僚并儀衛等並許張雨具

同日秘書監兼國史院編修官陳騷等言本省恭奉聖旨今月十二日車駕幸秘書省今具合行事母下項一今來車駕幸省合用儀注典禮乞朝廷指揮下御史臺閣門禮部太常寺討論修定一今來車駕幸省合排設御幄并經由門戶及應合排辦去處乞下儀鸞司應辦排設一今來車駕幸省所有宰執使相親王以下幕次並百官侍班去處乞下御書臺閣門行下所屬排辦詔依四日詔將來幸秘書省遵依太宗皇帝典故置酒今閣門修定儀注

同日中書門下省言勘會已降指揮今月十二日車駕幸祕書省除合從駕官外內宰執兼提舉國史會要日曆官合先在省率本省本局官立班迎駕詔今文臣臺諫并在京及臨安府官見任直祕閣祕閣修撰及曾任前件職見寄職人并曾任館職人武臣閤門舍人並令立班迎駕起居

七日御史臺禮部太常寺言今檢照典故禮制討論到事件下項 一今來車駕幸省其本省門外街道窄狹竊慮人從輜馬擁遏喧鬧不肅欲乞至日多差皇城司親從官并臨安府使臣相官合千人於立班處同共約攔從御史臺移文所屬差撥 一今來車駕幸省日其祕書省官屬等從御史臺報引於祕書省門外立班迎

駕起居於閤門修定幸省儀注內添入 一至日從駕  
并迎駕起居官合用侍班幕次乞從御史臺與閤門相  
度貼設 一至日或值雨霑濕並免迎駕起居立班

一依今降指揮車駕幸秘書省合用儀注下御史臺閤  
門禮部太常寺討論修定今照得昨來車駕幸秘書省  
儀係閤門申請今欲乞依上件禮例施行 一依禮例

幸省畢宰執奏請拜表稱賀宣付史館詔依免稱賀止

許進表

內事省前一日本執稱省閤視幸省勅  
祖宗御書古畫一如紹興十四年之制

十二日詔御古文殿賜宴依對御例賜酒五盞

同日又詔知閤管軍臺諫見任秘書省國史院官閤門  
舍人及在京及臨安府見任直秘閣修撰及曾任前件  
職見寄職并曾任職人并許赴坐

同日詔秘書省國史院官各轉一官選人與改合入官讀書克勤

中興禮書第二百二十二卷

賓禮一

金國使副上壽

紹興十四年五月一日國信所言金國賀生辰使副到  
闕今來大僚賀聖節舊例并近正旦例參酌擬定排日  
數內二十一日館伴人使已下上馬至內門待漏幕次  
茶酒訖入內殿門外賜副節衣謝訖赴上壽酒次副滿  
散道場尚書省御筵畢歸驛閣門供到舊例北使賀生  
辰聖節日使副隨宰臣紫宸殿上壽進壽酒一盞畢皇  
帝宰臣已下同使赴殿中酒三盞教坊作樂三節人從  
不合赴赴詔依

七日閣門言金國賀生辰使人朝見日七拜謝面天顏

并謝賜茶藥等各兩拜受賜三拜垂拱殿賜茶酒謝坐  
兩拜撫問免拜仍免酒進候賜茶酒畢降階兩拜詔依  
八日詔金國使入朝辭宴令閤門提點同提點承受兼  
祇應使臣於殿上往來祇應今後筵宴依此

十日閤門言將來賀生辰使人紫宸殿隨宰臣上壽令  
七拜起居訖兩拜訖上公升殿進酒訖降階兩拜宣答  
兩拜上壽畢降階止令兩拜宣升殿兩拜賜酒免拜降  
階止令兩拜所有使人見辭上壽赴宴應立班坐次經  
由門戶上下馬去處並依昨賀正旦使人到闕已降指  
揮詔依

上壽儀注詳  
見聖節門

十七日閤門言契勘將來使人朝見等如值雨或霑濕  
依儀及乞隨宜事件今具下項紫宸殿 一依儀免排

仗改日參常起居一宰執垂拱殿已起居奏事訖赴紫宸殿上分東西侍立候使人朝見訖退 一使人并三節人從朝見及館伴使副起居并籠門引贊 一使人禮物鞍馬於西廊便門入於隔門上拽過出東廊便門

如止過于階下過

一使人朝見跪授所賜例物鞍馬欲依例

止挂箱過餘檐床鞍馬於使人後拽過 一三節并從

人跪授所賜例物令隨宜挂過餘並於班後拽過 一

於東朵殿報無公事垂拱殿再坐茶酒 一應奉官等

欲就隔門上奏萬福訖各歸侍立應祇位 一宰執已

下并使人欲就隔門上奏萬福謝坐訖分由東西廊陞

殿 一三節人隔門上奏萬福謝坐訖引分兩廊 一

教坊隔門上起居及看蓋人謝訖分由兩廊陞殿於隔



門上設樂酌酒詔依

十九日金國遣烏延和孟浩等來賀天申聖節見於紫宸殿禮物珠子一袋金帶一條衣七對箱一合雜色綾羅五百段馬十匹

白段並同

二十一日館伴使副張澄等奏據掌儀等報上壽儀已說論訖其國信使副稱遠來專為生辰所有三節人要隨百官入殿立班再三說諭聖稱禮數如此又云朝廷差賀金國生辰使人三節并入殿竊恐來早臨時奏稟遲緩伏望聖慈詳酌特賜處分貼黃稱若蒙聖慈許令三節人入殿隨班上壽即乞早降處分閣門施行又稱所有上壽茶酒一節除使副合升殿預坐外餘三節人亦要入殿茶酒如蒙聖慈詳察乞速降指揮有司排辦

詔三節人入殿賜茶酒隨班上壽

二十二日尚書<sup>老</sup>劄子准江總等面奉聖旨指揮閤門今月二十三日集英殿宴如值雨權改作垂拱殿宴兩朵殿赴坐官免赴如殿上赴坐官鋪設不通依令趙那於兩朵殿三節人從依舊分兩廊坐

十五年十二月六日詔今後金國賀天中節并正旦使人令赴玉津園射弓並經由皇城西壁朝路往回二十年二月二十八日閤門言勘會侍從官遇使人在庭內有曾借官所服立班赴坐並依所借官今有司農卿湯鵬舉太常少卿張杞並曾借六曹尚書奉使如遇人使在庭自來即未有不係侍從官曾借官人依所借官立班赴坐體例今來湯鵬舉見差接伴即未敢便本

官依所服借官立班赴坐批送閣門指定今指定欲乞  
遇人使在庭不係侍從官曾經借官人免赴起居立班  
如見差充接送伴者依借官所服立班赴坐詔依  
三月二十三日詔今後使人見辭擡擎褥床等人令殿  
門外隨儀衛奏萬福

四月三日主管禁衛所言將來紫宸殿使人上壽其中  
道排立行門與百官立班相妨今於禁衛前百官後排  
立俟上壽畢却令依舊中道排立詔依

五月二十五日詔每遇金國人使赴紫宸殿上壽見宴  
辭等如值雨雪並令入垂拱殿門外放班門今後唯此  
三十年四月四日禮部太常寺言契勘將來天申聖節  
使人到闕沿路賜御筵往回即不合作樂詔依

以顯仁  
后服仁

制

七日禮部御史台問門太常寺言准尚書省劄子將來  
天申聖節上壽并大宴尚書省樞密院諸官司開啟滿  
散御筵及人使到闕應干合排辦事務詔令禮部御史  
臺問門太常寺檢照典故討論申尚書省今討論典故  
下項 一契勘將來上壽今欲比附景德二年契丹遣  
使賀承天節景祐元年賀乾元節上壽不舉樂罷大宴  
典故宰臣并大金使人文武百官上壽於紫宸殿就驛  
賜人使御筵二十三日罷大宴就驛賜人使御筵並不  
作樂 一契勘將來賀天申聖節人使到闕見辭照得  
景德二年典故長春殿賜酒五行已後亦有賜茶典故  
今討論欲乞依景德二年故事人使見辭日賜茶酒所

有見辭拜數唱賜例物升殿授書乞依逐次賀人生辰人使體例施行詔依

二十二日尚書省劄子禮部狀據平江府申契勘本府見今排辦金國賀生辰人使來程賜御筵及鋪設程頓供張之類未審蓋次合與不合用樂及結縛樂樓山棚并幕帟陳設合用是何顏色下太常寺勘會已降指揮人使沿路賜御筵往回不作樂今來既不作樂其樂樓山棚亦不合結縛所有供張之類幕帟是何顏色合依自來賀生辰人使往來體例排辦所有其餘往回賜御筵去處亦乞依此施行劄下平江府依所申事理施行二十六日禮部太常寺言兵部狀勘會昨金國賀正旦人使到闕朝見承指揮儀仗權免增添禁衛所有今來

來金國賀天申聖節人使到闕朝見其儀即未審合與不合排設送禮部同太常寺看詳申尚書省勘會依已降指揮執打織扇從物等並行純吉其儀仗合依舊排設詔依

五月六日詔朕以國信使至勉從群臣上壽之請既未御純吉服儀仗難以盡飾使人朝見日可止量增禁衛更不設仗

十三日禮部太常寺兵部狀儀衛司排辦天申聖節使人到闕上壽并見辭幕次陳設顏色及祇應服著等事送禮部太常寺討論申尚書省契勘殿門外宰執百官及使人侍班并賜酒食幕次陳設等及內外祇應人服著依自來上壽體例排辦外今討論欲隨宜將垂拱紫

宸西殿上並用黃陳設其兩朵殿兩廊并殿門裏宰執百官幕次陳設柱衣額道緣簾并從床衣子及臣僚并使人及三節人從座物并矮臺平面卓衣子及茶酒屋靴釘額道并備釘衣子等並依今年正旦使人到闕已排辦禮例施行詔依

十六日問門言今來賀生辰人使見辭上壽茶酒依例宣勸權不宣視蓋詔依

三十一年五月四日禮部太常寺言准都省批下權工部侍郎兼侍講兼權侍郎黃中等劄子勘會每遇金國使人到闕朝見日依正和五禮新儀排設黃麾角伏一千五十六人今歲賀正旦使人朝見承指揮用忌前服不設仗所有將來賀天中聖節使人到闕朝見日即未

審合與不合排設儀仗後批送禮部太常寺討論申尚書省今討論將來天申聖節使人到闕朝見日緣已承指揮應合行事件並依紹興三十年已行體例施行所有儀仗即不合排設止合量增禁衛詔依

五日閤門言契勘將來賀天申聖節使人到闕見辭等并垂拱樞密已下上壽權隨宰臣已下紫宸殿上壽欲並依紹興三十年例施行詔依

十四日禮部太常寺言勘會今年賀正旦使到闕已降指揮人使見辭用忌前服仍不設仗所有今來天申聖節人使到闕見辭及上壽日皇帝御服伏乞朝廷取旨施行詔依今年正旦例

十七日詔金國人使朝辭御後殿東廊素幄時以聞欽



梁武帝詩音